



# Makimaniqmut Havauhikhaq

*Allanut Inuknut Uuktuitigiyauyuq  
Ilingaiyairuhiqniqmut*

Ilingainiqmut Katimaniq  
Nuvaipa 30, 2011  
Iqaluit, Nunavut







## Makimaniqmut Havauhikhaq

### Allanut Inuknut Uuktuutigiyauyuq Ilingaiyairuhiqniqmut

---

#### 1. Naunaipkainiq

Aktuupa 18mi, 2010, Nunavut Kavamatkut Nunavut Tunngavikkullu naunaiyaqtaa ilautjutigiyamiknik inuknut ilauniqmik havauhikhaq pipkaitjutiniaqtuq uumunnga Ilingaiyairuhiqniqmut Havauhikhaq.

*Tamapta-mi*, Nunavut Kavamatkut ilitariyaa qilamiuqtumik ihariagiayuq uqariami akhururtauuyuq akhurninnga Ilingainiqmut, ilitariyaitlu tahapkuat akhururtauuyut akhurninnga havaktakhangit havaqatigiiklutik. Ayurhautigilluaqtaanik Ilingainiqmut ittuq naunaittiaqhimayuni atlatqiiningga inuit qanuqtut munariyt qanurlu munariniqmik atuqtugut Nunavunmi ublumi. Hapkuat malruuk havauhiuyut atautikkuqtut piliurninnganut nutaapta nunakput angiqtualluuhimaittut. Havaqatigiittiarniq pipkaitjutiniaqtuq talvunga kangirhitjutinik utiriamti inuknut piliurninnganut ihumaliuqniqmut. Una apqatauyuq inmikmut ikayutauniq, mamihaitjutautiuyukhaq akhururtaullaqtuyuq Ilingainiqmut.

Aippaangani, amigaittut uqaqtauyuq Ilingainiqmut qanuqlu ikikliyuumiriami piliurhimayuq nunavunmi. Katimapkaiyugut uqariamikni havaqatigiiktukhaniklu ukunanit ilihimaniqmic pihimayut tahapkuatlu piliurahullittut ilihimaliuqtunik ihuarhaitjutikhaniklu ihuaqtumiklu piliurihami tahapkuat ihumaliurutingit ihuarhiyauyumik iluittumiklu katitiriniq piyakhamiknik. Piaygumi qunngiaqtitayumik, hapkuat havauhiit ihuaqtumik naunaipkaitjutauniaqtuq hivituyumik atlatqiinguyunik hulilukaarniqmik ikikliyuumiqniaqtuq Ilingainiqmut Nunavunmi.

Una havauhikhaq piyahimayuq inuknut pipkaitjutiplutik. Inuknik pipkaitjutiniq pipkaitjutiyuq nunallaat nipingit tuhaqtaugiamikni, havauhiq angikliyuumiqqat nunallaanit Kavamaliqinirmut. Qitinga uuma havauhiq akhurniq nunallaanit, tautuktauuyuq inuknit uqaqtamiknik piyat tamainni Nunavunmi naunaipkaitjutayuq avikturhimayumi katimatjutinik. Avikturhimayuni katimatjutingit talvuuna naunaipkaitjutigyaat Ilingainiqmut Katimaniq kingulliqpaami iluani ittut uuma makpiraap.

Tatja, uvagut, ilauuyut Nunavuutim hivulliqpaanga Ilingainiqmut Katimaniq, Iqalungmi Nuvaipa 28mit 30mut, 2011mi, angiqtaa Allanut Inuknut Uuktuutigiyauyuq Ilingaiyairuhiqniqmut ukunuuna tunigamitku una makpiraaq atilik *Makimaniq Havauhikhaq*. Qitingani Havauhikhaq ukpiriningga hivumuureritinga Nunavunmut ilingainiqmik piitkummi, apqatauyuq havaqatigiikniqmut mamihaiqniqmutlu.

Angiklipkaiyuq atayumut piqtinginnit, *Tamna Makimaniq Havauhikhaq* ittuq Allanut Inuknut Uuktuutigiyauyuq tamaptiknut—kavamatkunnut, Inuit timiqutigiyanginnut, kavamaunngittunut timiqutigiyangit, nanminiqaqtunut inuknunlu, ukuatlu tapkuat atuqtaat akhurninnga Ilingainiqmut.

Una Havauhikhaq ilitariyaa 6nguyut uqaqtakhamiknik piliuqtaa Nunavut Uuktuutigiyauyuq Ilingaiyairuhiqniqmut, piqaqtuqlu hivulliutigiyakhangit havaakhat piumayauyut tamarmikmut uqaqtakhamiknik piyakhaat talvani 18ni tatqirhiutini. Ilitariyavut una havauhikhaayuq tamaptiknut, uqariiyaqtugut ihivriuriami una Havauhikhaq iluani nanmivivut timiqutigiyauyuq naunairiamti akhururutivut hapkununnga hivulliutigiyauyukhat.



## 2. Tamna Nunavunmi Uuktuutigiyauyuq Ilingaiyairuhiqniqmut

Angiqtavut iluittuuyuq Uuktuutigiyauyuq Ilingaiyairuhiqniqmut, naunaiqhimayuq 6nguyuni uqaqtakhamiknik naunaiqhimaliqtuq uqaqtilluta katimatilluta. Hapkuat uqaqtakhamiknik tuniyaat kituni havaariyakhangit ikikliyuumiriami Ilingainiqmut naunaiqtauyuq Nunavummiunit. Hapkuat uqaqtakhamiknik hikulianguyutlu tautukvikhaq tautugiaptikni maligavut pinahuarutivutlu naunaiyariami qanuqtut ikayuutautiniaqtut Ilingaiyairuhiqniqmut.





### 3. Hivulliutigiayukhat Havaaq Talvannga 18ni Tatqiqhiutini

Havaariyakhavut talvannga *18-ni tatqiqhiutini* ikayuqlugu havaqatigiikniqmut piyakhaq hapkuninnga, piliuriamilu tallimani-ukiumi Havauhikhaq. Havaakhavut talvannga 18ni tatqiqhiutini hivulliutigiayut ilauyunit ukunani Ilingainiqmut Katimaniq naunaiyaqhimayut ihumaalutigiayunit, tikinnahuaqtamiknit, qanurlu piyakhat havaamut ilitariyayuq katimatillugit.

#### Uqaqtakhangit 1: Havaqatigiikniq Nunallaanilu Ilauniq

Havaqatigiikniq ikayuqatigiikniqlu atlanut inuknut—*piliriqatigiingniq/ikajuqtigiingniq*—akhuurutauyuq tamaptiknit. Aatjikutaqarapta pipkaitjutigininnganik: ikikliyuumiriami Ilingainiqmut. Atuqtakharaluaqqut una ilumuurutauyuq ikayuutaqtigami uvaptiknik?

Uqaqtigiyangit nunallaani uqautigiliraangamitku avikturhimayunilu katimaliraangata naunaiyaqtaik amigaittut Nunavunmiutat, havaktingitlu Nunavut Kavamatkunni uumanilu Nunavut Tunngavikkunni, ihumagiyut ihariaginikaqtuq iluittumik himmautimik. Ilauyut uqaqtut ihariagiayuq himmautikhanganik piqatigiingani inuknit timiqutigiayunitlu ikayuqtatimiknit, ukuatlu ikayuqhugit nunallaani ilauyut ihumaliuqtillugit havaktillugitlu. Ilitariyavut ihariagiyamiknik hakugiktigiami piqatigiikniq ukunanit Nunavut Kavamatkut, NTI, Avikturhimayunilu Inuit Katimayiingit. Ihariagiayuqlu inukni tamainni uqaqtigiiqniq ayurhautigiayunik inuuhiiriayunik, qanuqlu tamna ayurhautihimmaaqtuq havauhiptikni munariniqmut ublumi, qanuqlu Nunavummiut hivumuqatigiikniaqqat atauttikkut.

Uqaqtigikkaptitku una uqaqtakhangit iniqtirutigiaa tikigaptikni tautuktuyaaqtaptiknik nunagiyaptiknik piittumik Ilingainiqmut maliktakhavut hapkuat tikinnahuaqtaptiknik atuqtakhangitlu:

**A. Ihuarhimmaaqniq havaqatigiiknniganut ukunanit Nunavut Kavamatkut, Nunavut Tunngavikkut, Avikturhimayutlu Inuit Katimayiingit.**

Ikayurniaqtavut piliurninnganik havaqatigiiktunik iniqtirutiinganut Titiraqhimaninnga Angirutiup 32 Nunavunmi Nunataarutit Angirutingani.

Ikayurniaqtavutlu piliurninnga katimayiikhanik tamainni nunallaani piliurhimayuq ilauyukhat kavamatkunni havakvingani ittut tahapkunani nunallaani ilauyukhatlu Avikturhimayuni Inuit Katimayiinginni ittut tahapkunani nunallaani.

**B. Angikliyuumiqhimayuq ikayuutikhaq nunallaani havaakhanginnik.**

Ilitariyavut nakuuyumik havaaq Ilingaiyairuhiqniqmut piyuq inuknik havaqatigiiktut nunallaani ikayuutiqaqqtut ‘katimavianit.’ Ikayuqniaqtavut nunallaani ikayuutauyut nunallaani timiqutigiayunit ilauyut uumanilu Ilingaiyairuhiqniqmut nunavunmilu timiqutigiayut ikayuriamti havauhikhat nunallaani ikayuutauyut.

**C. Ilingaiyairuhiqniqmut maligaliuqniq.**

Qiniqniaqtugut maligaliuqniq ikayuriamti havaqatigiikniq piliurninnganik maliganik pinahuarutinganiklu ikikliyuumiriami Ilingainiqmut, naunairiamti taigualiuqniqmisqik qanurittaakhaanik piyuq tikinnahuaqtaptiknut, nutaanguqtirininngalu Havauhikhaqqut.





## Uqaqtakhangit 2: Mamihainiq Nakurutjutingillu

Ikayuqtukhauyugut inuknik, ilagiiktunik, nunallaanutlu nunakputlu ihuarhigami inuuhvut nakurutjutivutlu qaangiutgiaptikni akhurutauyut Ilingainiqmut. Ihumamitigut aaniaqtailiniq, inmikmut-nakuugiyauniq, unalu inmiknik pitquhinganiklu ilitariyauniq akhurutauyuq piqatigiiktiptiknik, ilihaitjutiniq pivallianiqlu, piinariaalaqiniq havagami, pittaarninngaluilaugami nunagiyaptikni.

Uqaqtigiiikkaptitku una uqaqtakhangit iniqtirutigiyaa tikigaptikni tautuktuuyaqaptiknik nunagiyaptiknik piittumik Ilingainiqmut maliktakhavut hapkuat tikinnahuaqaptiknik atuqtakhangitlu:

**A. Ikayurlugit *nunallaami-pihimayut* havaakhat ukunuuna piliurninnganit ikayurhimmaaqninnganit nunallaani nakurutjutinganit Havauhikhat**

Tamaita akhurutauyut piliuqniaqtut ikayuriami piliurninnganik nakurutjutinganik Havauhikhat tamainnut nunallaanut Nunavunmi, piliurluni qangannuaq taigualiqtauyuq uuma Nunavunmi Nunallaat Nakurutjutinganik Havauhikhaq uuktuitigiyauyuq 6nguyunut piyut iniqtirhimayuq nunallaani nakurutjutinganut Havauhikhat.

Nunallaani hivulliutiayayukhat ilitariyauyut ukunuuna hivituyunik piyakhangit nunallaani ittunut hivulliutiayayukhat tunngaviuyukhaq atayumut ikayuutautikhaq piqatigiiktunut hilataanit timiqutigiyauyunut, pipkaitjutilunilu angikliyuumiqhimayumik havaqatigiikniq nunallaami.

**B. Aatlatlu atayut nunallaami ikayuutikhat uqautiliriam ihumamitigut aaniaqtailiniq ipiraillailaqitjutinik**

Tatja, piqaqtuq hivituyumik piliurhimayuq nunallaami-ittunik havauhikhaq ikayuqtuq inuknit ikayuqtauyumayunik. Ilaani, hapkuat ikayuutikhat ilihimayaunngittut nunavunmi ihumamitigut aaniaqtailiniqmut havakvingit ilaliutihimayutaatlatqiimut munariniqmik inukmut ilagiiktunutluuniit ihariagiyunut.

Tamaita akhurutauyut piliurniaqtut piliuriami ilaliutigiamilu nunallaani-ittunut ayurnaittunik ikayuutikhanik ihuatqiayumiklu nunallaani-ittunut munariniqmik atuqtauuhimayunut nunavunmi ikayuutinik. Una ihuarhaqhimayuq tunngavik pipkaitjutinaqtuq ihuatqiayumik munariyauniqmik tuniyukhaq ihuatqiayumut munaqtuyunut, naunairami pitquhimitigut-ihuatqiayayut ilihaitjutikhat ukununnga ipiraillailaqitjutinik mamihaitjutikhanganik.

**C. Piliurninnga nunavunmi iluani timiqutigiyauyut katimayiingit nakuutqiayumik ilaliutigiam tunigiamilu nakurutjutimik-pihimayut ilihaitjutikhanganik manikharkhikanik**

Manikhaq mamihainiqmut nakurutjutimutlu piqaqtuq, kihimi hiamitihimayuq tamainnut kavamatkunnut, maniliunngittunut timiqutigiyauyunut, ukunanutlu inuit timiqutigiyanginnut. Angiyumik ihumaalutiqaqtuq havauhinganut pigiami hapkuat maniit pipkaitjutingittuq nunallaanut pigiamikni manikhangit nakuutqiayumutluuniit piyut nungulaittumik pihimainnaqtakhanganik ihumaalutigiyauyut.

Havaqatigiikniaqtugut piliurninnganut iluani timiqutigiyauyuq katimayiimik havaktukhaq avaliittumik tautuktuuyaakkhanganik nunallaanut piuyamut nakurutjutinganik-piyumut manikharkhikanik. Katimayiingit qinirhianiaqqutlu qanuqtut piyukhat ikayuriami qaangiutiyukhat ayurhautigiyanganik nunallaanut pigiamiknik manikhakhikanik.





## **Uqaqtakhangit 3: Ilihainiq Ayuittiarhimaninnganiklu Pivallianiq**

Nunavummiut kangirhiyaa ihuarhaqhimayumik ilihainiqmut piyut atayut angitqiayayumut iniqtirinnganik havavikmi nunagiyamiknilu. Amihut uqaqtaik ihumagiyamiknik iliharvikput piliurniaqtut amigaittunik ilihaitjutinganik iniqtqitukhanik nakuuyumik nuutukhat quilitqiayayumut iliharvikmut, havavikmut, inukmiitumutlu.

Unalu, Inuit uqauhinga uqauhiukmat amihunut Nunavunmiyunut, Inuit uqauhingit taiguaqniqmutlu ayuittarinnga avatinunngayumut ihumaalutigiayayut akhurutauyuq naunairami Nunavummiut pigiamikni piliuriamti ayuitamiknik ihariagiayayuq ilaliutigiami inuknut.

Uqaqatigiikkaptitku una uqaqtakhangit iniqtirutigiya tikigaptikni tautktuuyaqaptiknik nunagiyaptiknik piittumik Ilingainiqmut maliktakhavut hapkuat tikinnahuaqaptiknik atuqtakhangitlu:

### **A. Piliurninnga iluittumik nukaqhiniut nutaqqanut iliharnirmut Havauhikhaq**

Piqaqtuq huli hivulliqpaami havaakhaq iluittumik piliuriamti nkaqhiniut nutaqqanut ilihaitjutikhanganik ilanganik ilihaitjutiptaaatlatqiqiyanganik.

Ikayurniaqtavut piliurninnganik iluittumik nukaqhiniut nutaqqanut ilihaitjutikhanganik Havauhikhaq, piyut piliuriamti nunavunmi-tamainni piyukhaq piqaqluni aulapkaitjutikhanganik, ilihaitjutikhanganik, unalu havaktukhanik ilihaitjutikhanganik ikayuutikhanganiku.

### **B. Angikliyumiqlugu ikayuutikhanganik angayuqqaanut**

Nunallaani uqaqtigittilluta, amigaittut inuit uqaqtut uminnga hivulliqpaami havaangit angayuqqaat piyut ilihainiqmut iniqtirutikhanganik nutaqqamiknut, uqaqtutlu amigaittut huuq ilangit angayuqqaat ilaliutiyuttut nutaramiknut ilihaininnganut.

Ikayurniaqtavut piliurninnganik tuniyakhanganiklu ilagiiktunut taiguagakhanganik ilihaitjutinik inuinnaqtut titiraqhimayunik piliurninnganiklu ilagiiktunut taigualiurniqmut ikayuutikhanganik taiguagakhaniklu. Unalu, ikayurniaqtavut angikliyumiqlugu piliurninnga tuniyauninngalu angayuqqat ilihaitjutikhanganit ikayuutikhanganinklu.

### **C. Havavikmi pivallianiq**

Inuknut uqaqtigiktilluta, ilauyt uqaqtut ayurhautigiayayunik havaamut pivallianinnganut, pilluarhimayuq ilihaitjutinganik naunaitkutaqalluanginmata iliharhimangitataluuniit pipkaitjutiginiaqtuugaluaq hivumuutitaqliqmik.

Qiniqhaniaqtugut qanuqtut ikayuriamti piliurninnga tuniyauninngalu ihuatqiayayumut unalu ayurnaittumutlu havavimti ilihainiq, havavikmi ikayuqtauniq, havavikmilu pivallianiqmut ilihainiq. Unalu, ikayurniaqtavut piliurninnganik tuniyauninngalu ilihaitjutinik ayuirhapkaiyuq qangaraaluknitanik ayuirutikhanganik piyut uqauhimut taiguaqniqmutlu ayuitakhanganik.



## Uqaqtakhangit 4: Niqikhaqainnarniq

Niqikhaqainnarniq atayuq akhuuqtaupuni nakurutjutinganik nutaqqanut, inirniqnut, ilagiiktunut, nunallaanutlu. Nunallaani uqaqtigikiitluta, amigaittut inuit uqaqtut niqiqalluaqhimangittumik, piqannigittuuniit nakuutqiayayunik aaniaqtailiniqmut situamit-niuviqhimayut niqinik niqainnaqnikluuniit. Nunavunmiutat niqainnaquyavut, imaatushut ittuq tamaita Nunavunmiutat ubluq tamaat piqaqniaqtuq timimitigut maniqarlunilu amihumut, nakuuyunik pitquhiptiknut-piyuq niqainnaqnik. Una akhuuqtuaqlugu, atapkaiyaqqut niqikhaqainnarniq pittaarninganut niqainnarnik, talvuuna piyuq akhuuqtumik atlanut ikayutautinut unalu inuup inmikmut unalu pitquhinganut kinauyaakhaanik, ayuittiarhimayumik pivalliani, atlanutlu inuknut piyuq ikayutikhanganik igluptikni nunaptiknilu.

Uqaqtigikiaptitku una uqaqtakhangit iniqtirutigiyaa tikigiaptikni tautuktuuyaqaptiknik nunagiyaptiknik piittumik Ilingainiqmut maliktakhavut hapkuat tikinnahuaqaptiknik atuqtakhangitlu.

### A. Piliurninnga “Nunavunmi Niqikhaqainnarniq Katimayii”

Apirhuutigiyauyuq inuit katimatillugit tahapkununnga hivuliqtuyunut piyuq uumunnga niqikhaqainnarniq havaqatigigiamiknik ikayutikhanganut tamainnut Nunavunmiut.

Piliurniaqtugut Nunavut Niqikhaqainnarniq Katimayiinginnik, atauttimunngaqtaillugit ikayuqtuyunik kavamatkunnit, inuit timiqutigiyauyunit, NGO-kunnit, nanminiqaqtunit ihivriuqtuyunit piliuriamiknik akuniraalukmik, atuqhinggaaqtumik, hivituyumik, nungulattumiklu Uuktuitigiyauyuq niqikhaqainnarniq Nunavunmi. Tamna katimayiingit inniaqtuq katimavikhaq atlanut atuqtakhanganik nakuutqiayayunik havaanik ikayutikhankilu, munariyahamik ihivriuqtakhamikniklu, piliurlunilu nunavunmi havaakhaq Havauhikhaq uumunnga niqikhaqainnarniq.

### B. Ihuarhiyakhaq nakuuyunik tupauttaqnik nirmaqtuqnarhigaangallu atuqtakhangit sikuurvikkmi

Amigaitpallaarmat nutaqqat sikuurialiqpakmata kaaktumik piqannigitmatalu nakuuyunik niqikhamiknik. Niqailliurniq ayurhautipkaivaga nutaqqap inmikminut, unalu ilihaitjutinganik ayuriamikni, ilaugiami hulilukaalirangata sikkuuqatingit, piliuriamilu ilagiikniqmik sikuuqtaminiknik.

Ikayuqtavut ihumaliurhimayut ihuarhaihimanigit tupauttakhat nirinnarhikpatlu atuqtakhangit naunairiam tamaita nutaqqat piinariaqahimayangit ilaugiamikniklu piliurninnganut nakuutqiayayunik niqinik ubluq tamaat. Una ikayurniaqtuq tamainnut nutaqqat Nunavunmiut piliuriamikni hivulliqpaangayuq ayuittakhangit, ilihimayakhangit, piqatigiikniqlu ihariagiyauyuq tikigiamikni tikinnahuaqtamiknik inuuhiqmikni.

### C. Angikliyumiqlu ikayutikhqaq nunallaami-pihimayunut niqikhaqainnarniq havauhikhat

Nunallaani katimapkaitluta, ilauyt naunaiqtaa akhuurutauninnga inuit niqinik payuktukhanik ikayutikhhamik, ilaliutiq atlatqiniik nunallaami-pihimayut niqikhaqainnarniq havauhikhat, nunallaami inuit angunahuarumik, payuklutik niqainnarnik, nunamikni qiqittiivingit, niqaiqqataluuniit niqaiturvikhaqarumi. Ilangit havauhikhat pipkaitjutivaktuq nakuutqiayayunik, niriumayaayunik ikayurlunilu nunallaami atauttikkuurniq. Payugumi niqainnarnik pipkaitjutiyuqlu akhuuqtumik atlanut ikayutinut, unalu inmikmut pitquhimiknut kinauyaakhaanik, ayuittamiknik piliuhquni, iglumini munariniq, atlanutlu inuknut ikayutigiluni igluptikni nunaptiknilu.

Havaqatigikiaktugut angikliyumiromi ikayutikhqaq ukununnga nunallaami-pihimayut niqikhaqainnarniq havauhikhat.



## Uqaqtakhangit 5: Igluqarniq Ikayuuhiarniqlu

Nampayuq Nunavummiut igluliqiitkunniit iglulgut ikayuuhiarutimiklu, atautikkuuqhutik tamarmik. Piittumik uuminnga, amigaittut Nunavunmiutat pilimaitaik ubluq tamaat ihariagiyamiknik. Ihariagiyavut hapkuat ikayuutiuyut ihariagiyautqiayuq atlanit inuknit Kaanatami. Kihimi, akhuerhimmaaqtukhauyugut naunairiami hapkuat ikayuutiuyut pipkaitjutaunngittut ayurhautigitjutimik, ukunatut “Ilingainiqmut ayurhautimik.”

Uqaqtigiiikkaptitku una uqaqtakhangit iniqtirutigiyaa tikigiaptikni tautuktuyaaqtaptiknik nunagiaptiknik piittumik Ilingainiqmut maliktakhavut hapkuat tikinnahuaqtaptiknik atuqtakhangitlu:

**A. Ihuarhainiq ikayuuhiqaqtautimut atlanutlu ikayuutauyunut piinariaqlahimayuq tahapkununnga ikayuuhiqaqhimayunut**

Tamaita akhuerutauningit piliurhimaniaqtut ikayuriami taafumunnga *Tamapta* pinahuaqtamiknut ihivriuriami qanuraaluk maniliuqtukhaq piiqtautinnagu atlatlu himmautingit ikayuuhiarutimut ikayuutauniaqtuq inuknut havaktinnagu.

Havaqatigiikniaqtugullu piliuriami atlanik ikayuutikhaniq inuknut havaktinnagit, ukunatitut havaqatigiikkumi atannguyamut tunigami pinahuaqtamiknik ikayuutikhqaq ilihaitjutikhanganiklu nutaanut havaknahuqtut havaqatigiikkumiklu kavamaunngittunut timiqutigiyayunut taafumamiklu piyukhaq.

**B. Angikliyuumiqhimayumiklu tamainni kangirhigumik ikayuuhiarutimut kangirhipkailunilu kitunut maliganganik pinahuarutiniklu**

Nunallaani katimatillugit naunaiqtuq akhuerutautinga ikayuuhiarutinganik amigaittunut inuknut tamainni nunallaanni, kihimi naunaiqhimayuqlu atlatqiinguyut qanuriliurninnga naunairutiningga ihuatqiayuqunut maliganganik pinahuarutiniklu.

Angikliyuumiqhimaymik kangirhitjutinik atlanutlu kangirhitjutinik tamainnut tikinnahuarutingit ikayuuhiarutinganik ikayurniaqtuq tamainnut tigumiaqtuuqatauyunutlu, ukuatlu ikayuuhiqaqtunut, ikayuuhiqiyikkut, ikayuqtukhat atlanit timiqutigiyayunit, Nunavunmiutatlu, nunakput qayangnairutinga angikliyuummiqtuq atlanguqtiptivut ihariagiyaptiknik.

**C. Qinirhianiq akituvallaangittunik iglukhat ukunuuna ilauniqmut havaqatigiikninqutlu**

Havaqatigiikniaqtugut qinirhiagiaptikni ikayuriaptikni akituvallaangittunik iglukhamik, ihariagiyayut tamainnut pipkaitjutigiyaptiknut inuuhiptiknut, unalu inuknut ilagiiktunutlu nakurutjutinginnut, hakugikninnga nunallaat, nakuuyumik havaktiqarniq, nakuuqpiaqtumiklu maniliurniqmut.

**D. Amigaittut-ilauyut ihivriuqniq inuknutlu uqautiginiq naunaitkutinga igluliqinir Nunavunmi**

Naunaitkutinga nunallaani nunagiayuyut uqariyyaqhimayullu iglumut pipkaininnga kaanatap kavamanganit ayurhautihimmaarutiyuq tunipkaitjutiningga kangirhitjutinninngal Nunavut Kavamatkunniit inuknut igluqpakhangannik pinahuarutingit ublumi. Ikayurniaqtugut amigaittut-ilauyunit inuknutlu uqautiginiq naunaitkutinganit akuniraalukmilu tautuktuyaaqninnga igluqpiliqinirmut Nunavunmi.



## Uqaqtakhangit 6: Nunallaani pivallianiq

Nunallaani maniliurniqmutlu pivallianiq havauhikhat tunivaktuq ihariagiayayunik ikayutikhanik nunallaani pitjutingani tunilunilu havaakhinanik. Havaktauliqtuq atlanut tallimauyuni uqaqtakhamiknik hakugiktiniaqtaa nunallaani maniliurniqmutlu pivallianiq hulilukaarningit ilitarilugitlu ikayurlugitlu ukununnga nunallaami-pihimayut havauhikhat uumunnga piyakhaq hivulliutigiyayukhaq.

Uqaqtigikiaptitku una uqaqtakhangit iniqtirutigiyaa tikigiaaptikni tautuktuuyaqaaptapliknik nunagiyaptiknik piittumik Ilingainiqmut maliktakhavut hapkuat tikinnahuaqaaptapliknik atuqtakhangitlu:

**A. Naunairluni nunallaani nakurutjutauniq Havauhikhaqning ihariagiayayuq ilauyuq maniliurniqmut pivallianiqmut**

Maniliurniqmut Pivallianiq Havauhikhaq piumayangit ihariagiayangillu tamaita nunallaat, ukuatlu nunallaat tikinnahuaqtamiknik piyuq tamainnut nakurutjutinganut. Piliurumi nakuuyumik maniliurniqmut tunngavinga atauttikkuurhimainnaqtumik atayuq nunallaamut nakurutjutinganut.

Angirliyuumirningga pittaarninnga maniliurniqmut pivallianiq pinahuarutit ilaliutilugitlu tukhiutinik kiutjutauyuq atauhiqmik amigaittunkiuluunit akhuruataullaqhaimayut Ilingaiyairuhiqniqmut uqaqtakhamiknik atauhiyuq atuqtakhaq atauttimuuriami maniliurniqmut pivallianiq tammainnut nunallaanut nakurutjutinganut.

**B. Angikliyumiqlugit nutaqeqiqivikhat ikayuriami angayuqqaanguyut pittaarninnganik havagiamikni ilihariamiknilu**

Qinrhialuni atayumik Uuktuutigiyayut pipkaitjutinnganut nutaqeqiqiviinik, piliuqtaaqtugut ikayutikhanik aulapkaitjutikhaptiknik, munariniqmut ihariagiayanginniklu nutaqeqiqiviinik Nunavunmi.

Akhuraaluk ihariagiopiaqtut amihunik nutaqeqiqivikhanik Nunavunmi. Ihumaliurhimayut atuqtakhat kiuttaaqtavut inikharnik ukunatitut: ilaliutilugu nutaqeqiqivikhamik kavamatkunni aulapkaitjutingani havauhikhat; angikliyumiqlugit piinariaalaqihimayut aihimavikni nutaqeqiqivikhat ukunuuna nuuttaaqtunik nutaqeqiqivit mannikhangit havaqatigiiktumiklu nanminiriyayunut, ukuatluaq ikayuutimut pivallianiq havauhikhat; havaqatigiiklutiklu piliurninnganut nutaanik igluqpanik.

**C. Ikayurlugit piyunnarniq qanutuinnaq angikliyumiut NGO-kunnut nunallaami pipkaitjutinganit**

NGO-kut pivaktut malruuyunik havaanik uumanii Ilingaiyairuhiqniqmut, ilaani tuniyuq ihariagiayauqpiatunik ikayutikhanik inuknut atuqtut ubluq tamaat akhuruatauyunik uumannga Ilingainiqmut, tunipluni manikhanik Nunavunmut havaakhakaniklu. Avikturhimayut nunallaamiluittunut timiqutigiyayut piliuqtaaqtut nunallaani piqutinginnit, kiuluni akhuraaluk atlanguiltumut nunallaani ihariagiayayunik piumayanginniklu, aturlunilu tunngavinginni ikayuutayayut pigiamiknik tikinnahuaqtamiknik nakuuyumik. Hakugikiqlugu Nunavutim inuit maniliurningit akhuruatauyuq ilanga akuniraalukmut Ilingaiyairuhiqniqmut.

Tatja, akhuuqtaullaqhaimayut Ilingaiyairuhiqniqmut havaakhaq piliqtuq NGO-kunnit. Ikayurluni ikayutikhanganik atayuq NGO-kut piliurniaqtuq pipkaitjutikhanganik atlanut tunigiami ilihimaniq naunaiyainiqlu atuqtakhamiknik nunavunmi.



## 4. Tuniyauniq Kiuttaarninngalu

Ilauyut uumani Ilingainiqmut Katimaniq angqtut tamna Nunavunmi Katimayut uumunnga Ilingaiyairuhiqniqmut,ilauyut tamainni kativayuni havaalgit piyukhat uumani Ilingaiyairuhiqniqmut, tuniniaqtut hiviliqtiniqmiq munariyukhamilu uumunnga *Makimaniqmut Havauhikhaq*.

Ikayuqtuyullu, Nunavut Kavamatkut unalu Nunavut Tunngavikkut, piliurniaqtut himmautikhampiknik havaktukhat piliuriamiknik kangirhitjutinik kativayunut. Hapkuat kangirhitjutinik ilaliutiniaqtuq kiuttaaqtumik tunngavikhaq naunairiami lauyut inuknut kativainganik ublumimut ihivriuriamiknik angriamikniklu una Havauhikhaq.

Havaanga kativayut piliurhimannngittuq himmautigami, aatjikutaliuriami taimaariami maliktakhanik, pinahuarutinik akhhuurutauyuniku tatja ittu talvani, kihimi piliuriamti inikhanganik havaqatigiuktukhanik nutaanguqtiriniqmiqklu.

Titiqqiqinirmut akingit kativayut angqtauniaqtuq ukunannga Nunavut Kavamatkunnit.

## 5. Naunaiyainiq Munariniqlu

Havaakhaq naunaiyainiqmut inuknut ilauniqmut piyakhaq ublumimut munariyakhamiklu naunaiyaiqgiamilu iniqtirutinganik uuminnga *Makimaniqmut Havauhikhaq* piqyauhimayuq ukununnga Nunavunmi Kativayunut uumunnga Ilingaiyairuhiqniqmut havaktakhamiknik.

## 6. Ilingainiqmut Katimakmata Ilauyut\*

Hiviliqtuyuuq Eva Aariak,	Rowena House	Rhoda Palluq
Tuglia-Ikhivatalik	Marie Ingram	Philip Panneak
Tuglia-Atan'nguyaayuq	Joanna Innualuk Kunnuk	Frank Pearce
Jack Anawak, Tuglia-	Thomas Johnston	Georgina Porter
Ikhivatalik	Elizabeth Kingston	Tim Ross
Glenn Cousins	Ammie Kipsigak	Enoapik Sageatok
Kim Crockatt	Amelia Komak	Ross Sheppard
Graeme Dargo	Tina-Mary Kunilusie	Nicole Sikma
Elisapi Davidee-Aningmiuq	Harry Maksagak	Lizzie Simonie
Ron Elliott	Rick McDougall	Esau Tatatoapik
Denis Gourde	Michael McMullen	David Wilman
Jen Hayward	Limikie Palluq	

### *Hapkuat ilauyutlu:*

Caroline Anawak	Brad Chambers	Kathy Okpik
Alain Barriault	Jo-Anne Falkiner	Karen Panigoniak
Navarana Beveridge	Virginia Lloyd	Aluki Rojas
Tim Brown	Sherry McNeil-Mulak	Janet Slaughter
Robyn Campbell	Don Moors	Sandy Teiman

### *Ikayuqtuyut:*

James T. Arreak	Ed McKenna	Anna Ziegler
Farid Charles	Natan Obed	Arlene Wortsman
Kiah Hachey	Dan Page	Tineka Simmons
Andrés Ibáñez	Malaya Qaunirq-Chapman	Tim Stiles
Don Lenihan	Bethany Scott	Jennifer Wakegijig

\* Hilarlukpatlaarmat, ilauyukhat qaitquyauyuugaluat ilanginnit nunallaanit kativaqataunngittut (tahapkuatlu ilauquyauyut Kivalliqmit).



